



Naleraq

UKA 2021/123
Jens NapātôK', Naleraq

Aktiaatillit kinaassusersinissaat, paasissutissat ingerlateqqittarneri, aamma aktiaatillit pisinnaatitaaffiinik ingerlatsinermik oqilisaaneq pillugit Kalaallit Nunaannut inatsisissatut siunnersuummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut (Aktiaatillit kinaassusersinissaannut, paasissutissat ingerlateqqittarnerinut, aamma aktiaatillit pisinnaatitaaffiinik ingerlatsisarnerup oqilisaavigineranut tunngatillugu Europa-Parlamentip aamma Rådip malitassaani 2007/36/EF-imi aalajangersakkanik piviusunngortitsinermut tunngatillugu minnerpaamik piumasaqaatit aalajangernissaat pillugit Kommissionip naammassinninnissamut peqqussutaa (EU) nr. 2018/1212, 3. september 2018-imeersumi aalajangersakkanut assingusunik Kalaallit Nunaannut aalajangersakkat piviusunngortinnissaat)

(Inuussutissarsiornermut Niuernermullu Naalakkersuisoq)

Siullermeenera

Aktiaatillit kinaassusersinissaat, paasissutissat ingerlateqqittarneri, aamma aktiaatillit pisinnaatitaaffiinik ingerlatsinermik oqilisaaneq pillugit Kalaallit Nunaannut inatsisissatut siunnersuummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut saqqummiunneqartoq pillugu Naleqqamiit imatut oqaaseqarfigissavarput.

Naleqqammit inatsisissatut siunnersuut una saqqummiunneqartoq suliniuteqarnitsinni nunatta inui aallaaviginerullugit aammalu illersugaaneruneranik siunertaqartut ilagaat.

Naleqqamiit pingaartitarilluinnaripput nunatta inui ilisimaneqaleriartuinnarpugut. Paasineqariartuinnarpugut nunap inui taakkulu atugaat periarfissaallu pillugit suliniuteqartuugut. Nunap inui, kinaanerput arlaatigullu ilungersuuteqarnitsinni ajuusaarnarluartumik amerlasuutigut kukkulluinnartumik nalilersorniarneqartarpugut ilaanni nunap inui avammut mattulluta suliniartutut nalilerniarneqartarluta allaat.



Naamik uagut anguniakkagut ataqatigiissaagaapput nunap inui aallaviunerulernissaat aammalu taakku aallaaviginerullugit sulinissarput pingaartitarilluinnaqqissaaratigu.

Siunnersuut una Naleqqamiit aallaaveqarpoq tassalu ukiakkut ataatsimiinermi imm. 66-itut oqaluserineqarmat inatsisartunik siunnersuuterput akuersissutigineqarnerat kingunerani una inatsisissatut siunnersuut suliaralugu naammassiniarnissaanut maannakkut saqqummiunneqartuuvoq. Siunnersuuteqarnitsinni toqqammavilersuutitta ilagaat Kalaallit Nunaat nunarsuarmioqataasutut immap pisuussutaanik annerusut inissisimasut ilaanniilluni niuernermut nunarsuarmioqatitsinnut inissisimasuummat. Taamatut niuffanneq nioqutissat tamakkerlugit nalingani (BNP) annertunerungaatsiartutut inissisimagaluartoq, ulloq manna tikillugu tamassumani piginnissutsit tassalu kikkut piginnittuviunersut ersareqqissaanngillat.

Tamannalu ilaatigut aamma eqqoriartaarinikkut aammalu pisuussutit nalillit nunatsinniittut ilumut annissorneqaannarlutik avataani naleqarnerulersartutut inissittarneri eqqartuifiusarpoq aammalu nunatsinnut iluaqutaasussaagaluartut avataani iluanaarutaasut eqqartorneqalersarlutik, taamatullu Kalaallit Nunaanni suliffeqarfinnut akileraarutaata qaffasinnera ilaliullugu aaqqitassat orninneranni sakkussat manna ilagilluinnarpaat, siunissami qaninnerusumi qanoq iliuseqarnissamut sakkussarpassuit ilagalugu aaqqissuusseqqinnerit ilagivaat. Nalunngilarpummi avammut niuernitsinni nunat niuerfitsinnut sanilliukkaangatta ilaatigut niuernikkut nunarsuarmi sanilliukkaangatta tamanna qaffasinnerniikkami.

Inatsissatut siunnersuut amerlasuutigut qulaajaasinnaangussaaq kikkut pinnittuviunersut qulakkeernissaat maannamullu nalinginnaasumik piginneqatigiinni 51%-imi imi piginnittuuneq aallaviunerusarsimavoq, unalu inatsiissaq aqputigalugu siunissami ammut 25 % angullugu piginneqataasut takuneqarsinnaasunngorlugit inissiffiusussaavoq.

Assersuutigalugu kujataani aatitassarsiorniarluni ingerlatsiniartut aningaasaliisut kikkunersut apersuutigineqartarpoq, tamakku qulakkeernerusinnaanngorlugit inatsisissap qularnaariffigissavai. Inatsisip nr. 262, 16. marts 2016 ilanngunnissaannut, selskab-it inatsisaata, inuussutissarsiutigalugu suliffeqarfiutilinnut inatsisaata, inuussutissarsiutigalugu fond-it inatsisaata, inatsisillu tamalaat



(Piginnittuiit nalunaarsornissaat eqqunneqarnissaanut) inatsit suliassatut siunnersuutaavoq taamaasillunilu nunatsinniit Qallunaat nunaata Naalakkersuisui peqquneqarnissaanik inatsisartut

aalajangiiffigissassaattut siunnersuummik aallaaveqartoq maannakkut suliaralugu aallartittoq annertuumik teknikitaqaraluartoq neriuutigaarput ataatsimiitaliami sukumiisumik suliarineqarumaartoq taamatullu oqaaseqarluta ataatsimiitaliami suliarluarneqarnissaa Naleqqamiit innersuussutigalutigu.